

# E INJUSTICIANAN FINI CU NOS MESTER GULI MANDA ABAO

E siman aki mi a skirbi e asunto di plaatchi di number di auto. E cos aki a lanta un stof mirando e cantidad di reclamacion cu mi a ricibi di hendenan cu a haya cu nan tambe a haya procesverbaal na un manera inhusto.

Esun publica (cu tur razon pa e agente Sliker (?)- pero no Slikker- cu a cumpli cu su tarea) tabata e procesverbaal cu mi a ricibi pasobra mi no tabata tin mi plaatchi chiquito; e asina yama "controle plaat".

Locual a pone cu atrobe mi rabia contra "e sistema" a lanta, ta cuayera mi ta ricibi e papel di fiscal.

E frasenan poni den dje ta cos di dunabo ulcera.

**"Mi ta dispuesto di laga persecucion penal cay, si prome cu 16 di februari bo paga e suma menciona abao (fl. 50,-)!"**

Poco mas abao e ta sigui menciona: **"Si bo no paga of paga laat, mi lo trece bo caso pa juez huzga. E boet cu mi lo pidi como regla lo ta mashalto cu e suma cu mi ta ofrese."**

**"Juez den mayoria di caso ta duna un boet cu ta mas halto cu locual mi ta menciona aki!"**

Pakico mi tin cu paga?

Pasobra dia 23 di december, mi no a core cu un GELDIGE kentekenplaat.

Pakico mi no ta paga e 50 florin y ta prefera di bay dilanti juez y hasta haya un castigo mas halto si ta necesario?

Pasobra e carta di fiscal sin firma y cu cualquier hende por saca riba un computer, mi ta considera como un sorto di chantage.

**"Si bo no paga..... Mi lo pidi mas..... juez lo castiga cu mas placa pa paga...."**

MI TIN UN DERECHO, y mi kier haci uso di MI DERECHO, y esey ta di defende mi mes, gana of perde, paga menos, mescos of mas, pero mi kier EHERCE MI DERECHO, y pa mi derecho ta respeta.

E carta ta duna indicacion cu ta Fiscal ta determina pa juez y bo ta haya e impresion cu presumiblemente ta un "onderonsje" tin.

Fuera di e hecho cu ministerio publico ta trata di laga e ciudadano haya e impresion cu juez automaticamente lo bay sentenciarlo na un boet mas halto y toch lo bo perde, e carta ta asina tendencioso hinca den otro cu cualquier hende cu dos placa di sinti, lo considera e carta aki como un amenaza di "si bo no paga, bo lo haya boet mas halto, pasobra juez toch ta sentencia riba loke nos ta exigi".

Ta juez ta determina; y ken ta bisa cu na lugar di "juez den mayoria di caso ta duna un boet mas halto, no por ta asina cu juez lo por dunami razon?"

Den nos sistema judicial Minister Publico tey pa persigui un ciudadano penalmente na momento cu e viola ley, y ta keda na juezman -cu te awe a demostra di ta imparcial y di no ta un sucursal di Ministerio Publico- pa evalua e caso di dos banda, pa asina, basa riba experiencia y sano huicio, dicta un sentencia cu e ciudadano sea ta acepta, o no ta acepta y por sigui busca su derecho.

Mi ta haya cu ta juez mester dicidi y no fiscal ta dicidi pa juez.

E documento ta bisa cu mi NO a core cu un GELDIGE kenteken.

Ami ta para ariba cu MI A CORE cu un geldige kenteken.

Pero mi sa tambe cu interpretacion di ley na Aruba ta varia 11001 manera, y esey kiermeen cu como LAIKO mi ta perdi TOCH.

E kenteken riba mi auto ta GELDIG y paga pa henter aña 97.

Mi error tabata cu mi no a denuncia robo di mi controle plaat, pesey mi ta wordo castiga.. PASOBRA MI NO A DENUNCIA.

Riba esaki, no ta solamente henter aña 1997 ta paga y number di auto GELDIG ta pega dilanti y patras na nan lugar, pero na momento ey

HASTA MITAR AÑA 1998 tabata paga caba; keuringskaart corecto, y seguro corecto.

Mi sa caba cu mi ta bay tende: **"Ley ta ley, y ley ta bisa..."**.

Mi ta sina sokete cu mi no ta compronde esey?

Pesey mi a spierta tur hende pa percura pa semper e controle plaat ta paga na bo number pasobra **"Ley ta ley (?)"**.

## E OTRO PROBLEMANAN DI NUMBER

E problemanan di number no a caba aki si mi bay tras di tur e kehonan cu mi a ricibi. Lagami menciona un.

E mester a core cu su number aña aden aña afo.

A bin resulta cu e no por a haya su number di auto, pasobra na Ortvanger, man a entrega su number na otro hende.

El a paga su number, pero no por core su auto, pasobra otro hende tin su number, y e number nobo cu el a haya te ainda e no a ricibi via post.

Si e core cu CARTON cu e number nobo skirbi, e ta core tambe cu un "kentekenplaat cu no ta Geldig".

Meneer no ta tranquil y no por core su auto tranquil tampoco.

Un otro caso..... E dama aki no por cumpra number di auto.

Pakico?..... Pasobra e mester keur su auto.

E no ta haya seguro pasobra su auto no a pasa keuring.

Sin e asegurado, e no por cumpra auto...

Pero e tin den su man papel di Keuringlokaal pa su auto wordo gekeurt aki dos siman..... Seguro no ta acepta esey.

Esey kiermeen cu si e core auto cu number bieuw, e ta haya procesverbaal..... Nam por kita su auto di dje.

Riba esey cos ta pinta mas scur pe pasobra e auto no a pasa keuring tampoco.

Esaki ta ininjusticianan cu mi ta menciona den "e sistema".

Por a lesa ayera di e dama cu tambe a perde su number pasobra Ortvanger a duna otro hende.

E lo pasa den cierto debenan djies pa cambia su documentonan, y Ortvanger sigur no ta duna su placa back pa e eror cu nan a comete.

Ainda Juby ta zeur pa coi loco?

## CARNAVAL Y NOS KAVELNAN

Locual mi no ta compronde tampoco ta con bin den asunto di Kavelnan, tur aña e mes hendenan ta haya e mes luganan canto di caminda pa pone trailer, y cu e mes familia como bisña di kavel?

Si e sorteo ta tuma lugar den presencia di notario, con bin tur aña e kavelnan PA SUERTE (?) ta sali mescos?

Tin un departamento di gobierno caminda cu familia di hopi empleado tin e mes kavel tur aña, con esaki ta posible?

Ta cantidad di hende ta haci peticion tur aña pa haya permiso pa bende cos durante parada.

Di con tur aña ta e mes hendenan ta haya permiso y otro nan no?

KKKK cu ta Komishon Kavel Kontrol, ta haciendo un registracion di kavelnan e dianan aki y durante parada.

"Otro aña lo mira si ta otro gay ta canta den asurito di Kavel".

Juby

## 1.2.3. Center N.V.

Santa Cruz #111-B  
Tel: 858448 Fax: 856423

E dia aqui di Valentine  
aquí recorda esun cu bo ta  
stima cu un regalo special.

Nos di 1.2.3. Jewelry &  
Gift Center lo ofrese e  
comunidad di Aruba nos  
40% riba Oro, Zilver y  
Holoshi.


40%

40%


## Finishdak Dakpanplaten

**NOBO  
pa Aruba!!**

**Entrega  
ta gratis!**



6.15m X 1.16m  
20feet X 42.5inch



Diseño di dakpan na sheet di 20ft. Nos tin diferente  
color y nan ta facil pa traha cune.

Pa mas informacion yama na:

**Car Colour Aruba N.V.**  
**Tanki Leendert 103**  
**Tel: 829244**